

He Whakatau

Me mātua pānui kia mārama rawa koe ki ngā whārangi 8–14 o tēnei pukapuka.

He whakarāpopoto

Pānuihia te whakarāpopoto ki te ākonga. He hiko haere te mahi a tētahi tama me tana kuri. I a rāua e hiko ana i te ara, ka mahi tana kuri i ētahi mahi whakato ki ētahi atu kuri.



He kupu whakataki

Kia kaha ki te whakamahi i ngā wheako, me ngā mōhio o ngā ākonga. Kia hāngai tonu te whakatenatena ki te whakauru i ngā ākonga katoa. Me whakatitina rawa te pūkenga tiro whakamua. Matapakihia ngā kupu hou, me mahi rawa te papa kupu me ngā whakaahua kei te uhi. Me whakamaumahara hoki te ākonga kia pātai ki a ia anō, i te wā e pānui ana ia mai i te tīmatanga ki te mutunga o te pānui.

Matapakia te whai kuri hei mōkaikai. Matapakia mēnā kua whakahāereere te ākonga i tētahi kuri. Matapakia ētahi o ngā mahi a te kuri ina whakahāereeretia.

He mōkaikai tā te ākonga? I mahi taua mōkaikai i tētahi mea tērā i whakapōrahu i taua ākonga?

He Matapaki

Tirohia te pai o te pānui a te ākonga

I te wā o te matapaki me pānui te ākonga i te katoa, i tētahi wāhanga noa iho rānei, o te pukapuka ki a koe. Kātahi ka:

- whakanui, āta tatari, whakahau tika;
- titiro mēnā e tika ana, e pai ana hoki (mā te tataua i ngā hē), te rere o te reo;
- titiro mēnā e mārama ana mā te whai i tētahi o ngā huarahi e whai ake nei;
 - te pātai i ngā whakapuaki māramatanga me ētahi e tika ana, ā, whakaritea kia kōrero anō te ākonga i tētahi wāhanga o te pakiwaitara ki āna kupu ake;
 - te pātai mō tētahi āhuatanga o te pakiwaitara, arā, te kaupapa, te ritenga, ngā ariā matua, te raupapatanga, ngā kiripuaki;
 - te whakatenatena i te ākonga mō tana tiro ki mua i whakaputa ai ia i te wā o te whakataki.

Whakaarohia he aha atu hei mahi mā te ākonga

Me whakahau te ākonga:

- ki te whakamahi anō i te pukapuka i te taha o te mihini rīpene kōrero, i tōna kotahi rānei;
- ki te whakaoti i tētahi o ngā hei mahi e pā ana ki te pukapuka;

- ki te whakaharatau kia eke te ākonga ki tētahi atu taumata.

He whakapuaki māramatanga me ngā whakautu

1. He aha ngā mahi whakato i a Mauri?
2. I aha te rangatira o Mauri i te kapohanga a Mauri i ētahi mea nā ētahi atu kuri?
3. Ka aha ia i te ngaromanga atu a Mauri?
4. Ki tōu whakaaro, i aha ia i muri i te kitenga i a Mauri?
5. Mēnā ka pēnā te mahi a tō kuri, ka aha koe?

1. I kapo ia i te pōro me te kōiwi a ētahi atu kuri, ā, ka noho i roto i tētahi hōpua.
2. I kōhete ia ki a Mauri me te whakahoki i ngā mea ki ngā rangatira o aua mea.
3. Ka ui atu ki ērā atu tāngata, ka oma atu ki te rapu.
4. Ka rerekē ngā whakautu.
5. Ka rerekē ngā whakautu.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te Tirohanga Whānui mō ngā tino āhuatanga o te pukapuka nei.

Te pūtake

T He tuhinga rerenga whakaaturanga kiripuaki mai i te pukapuka.

He whakatakinga ā-roro, he whakaharatau

I mua i te pānui i te pukapuka, matapakia te kuri me ngā momo mahi a te kuri. Matapakia te noho haepapa mō ngā mahi a tētahi mōkaikai. He aha ngā whakaaro o te ākonga e pā ana ki te whanonga a te kuri i roto i te kōrero.

Kia oti i te ākonga te pukapuka te pānui, kōrerorerotia ngā mahi whakato i a Mauri me te āhua i whaihangatia ai taua whanonga e te rangatira o Mauri. Whakarite kia kōrero te ākonga mō tana ake mahi mēnā kua whai kuri pērā ia.

Tonoa te ākonga ki te whakarārangi i ngā kianga me ngā kupu tērā e whakaatu ana i te āhuatanga o te kuri.